

par Imam Zafrullah Domun

Dan le passé mo fine déjà dire et mo pou continuer dire ki bannes chefs du Jamaat Ahmadiyya groupe majoritaire pe faillir dans zot devoir envers zot bannes dimounes. Quand mo dire bannes chefs mo pa pe selment cause le calife. Mo le dire le calife, so bannes amirs, so bannes missionnaires, so bannes members Amila et aussi tous bannes presidents de bannes groupes auxiliaires c-a-dire Sadr Lajna, Khuddam et Ansar. C'est ça groupe de bannes dimounes la ki essaye repenne zot l'influence ignorante et malsaine lor bannes membres du Jamaat et le resultat c'est ki certaines bannes dimounes tombe dans zot la trappe et suive zot bannes conseils ki mauvais et ki non islamique. La plipart bannes Ahmadis, meme bannes ki forme parti de bannes dirigeants pas conne bannes enseignements du Jamaat Ahmadiyya couma Hazrat Masih Maood (as) fine explique nous. Si zot ti ena ene tigitte connaissance , nou ti pou trouve ça connaissance là a travers zot bannes actions, dans zot comportement. Ça c'est ene groupe dimounes ki fine recevoir bannes meilleures enseignements morales ki capave faire zotte recevoir bannes faveurs avec Allah. Mais Malheureusement c'est pas le cas. Au lieu de ça ki nou trouver? Ene groupe dimoune ki double face , ki preche ene kikchose , mais zot pratique ene l'autre zaffaire et zot fini par montrer ene comportement ki le contraire de ceki fine enseigne zotte. Et nous tous nous conner ki Allah fine condamne bannes dimounes pareils dans Le saint Coran. Allah dire “ Oh bannes dimounes ki fine gagne la foi na pa dire ceki zot pa faire. Allah bien pas content ki ou dire ene kikchose ki ou pas faire. (61:2-3). Mais Jamaat Ahmadiyya groupe majoritaire ki représenter par ça groupe ki mo fine mentionner la haut là et certaines les autres dimounes ki penser ki zotte capave utilize zot l'argent pou influence les autres pe faire toute sorte kalités gymnastiques intellectuels pou justifier bannes actions irresponsables , non islamiques et degoutants de zotte bannes chefs.

Tout dermierement nou fine celebrer deux mariages dans Jamaat Ahamdiyya Al Mouslemeen. Et bien sur bannes proches ki dans Jamaat Ahmadiyya majoritaire ti inviter.

Et en tant ki bons musulmans zot fine honore l'invitation par zot presence. Et couma ti capave attanne ena bannes dimounes ki fine rapporte zot presence ar amir ki fine rapporte le cas a Londres au calife ki ti absent de Londres depi Septembre. Apres ki le calife fine faire so grand tournée de L'asie de l'est et après ki li fine faire bannes grands discours dans Singapour , Australie , Nouvelle Zelande et Japon à propos de bannes grands enseignements de L'islam ki promouvoir la paix, li fine retourner pou signe ene lettre pou sanctionne tout bannes dimounes ki detenir ene poste de responsabilité dans le Jamaat ki fine assister ça bannes mariages là. Et aster là l'amir du Jamaat de Maurice,dans ene facon tres subtil, comme d'habitude pou protégé limeme pe demande ça bannes dimoune la pou ki zotte quitte zotte poste au lieu ki li mette zotte dehors parski zotte fine desobeir Jamaat so bannes l'ordres.

A ça bannes dimounes ki le Jamaat pe traite aussi arbitrairement mo dire zotte ki zotte pas bizin tracasser du tout parski le Jamaat diriger par le calife et so bannes proches ki nou fine mentionner pe agir avec injustice et bannes injustes pou gagne punition severe de la part d'Allah. Ça bannes dimounes là bizin conner ki zotte pas fine casse auquene la loi Allah du tout quand zotte finne assister ça bannes mariages là. Relations familiales plis important dans l'islam d'après le saint Coran ki ou suive bannes l'ordres ki injustes d'ene calife ki limeme pe desobeir bannes l'enseignements de l'islam. Allah fine explique ça bien claire dans le Saint Coran ki bannes dimounes ki ena l'autorité dans zot la main pas bizin servi zotte l'autorité pou casse bannes relations familiales. Allah dire : “ Eski si zotte gagne bannes positions d'autorité zotte pou créer desordes lor la terre et casse bannes relations familiales?(47:23) Ki sanne la ki finne servi so position d'autorité pou faire desordes et casse bannes relations familiales pendant treize derniers bananées? C'est Jamaat Ahmadiyya groupe majoritaire et personne d'autre! D'ene facon

systematique , couma bannes dimounes ki repanne la haine dans la societ  zotte fine essaye casse bannes relations familiales dans le Jamaat et zotte faire tout pourki nou bannes proches casse zot bannes relations avec nous. Avec zote bannes menaces, zotte boycott et zotte bannes facons d’agir ki non islamiques zotte essaye faire bannes proches eloigne zotte de nous. Mais Alhamdulillah zote pas fine reussi. Tous nous bannes proches avec nous et zotte pas soucier zotte du tout avec Jamaat majoritaire so bannes enseignementst imbeciles et non islamiques. Au moins ena certains dimoune ki ena le courage de zote l’opinion et zotte rejette toutes sorte de bannes oppressions.

Plusieurs fois mo fine dire ki le calife Ahmadiyya ene dimoune ki ena double face. Ou capave lire tous so bannes discours et so bannes ecrits et ou pou ena tendance pou croire ki li ene dimoune ki content la paix et la justice et la coexistence pacifique plis ki le Dalai Lama. Li presente li comme ene ambassadeur de la paix et comme ene dimoune ki conner couma pou amene la paix dans le monde. Mais quand li ena pou deal avec banne dimoune ki challenge so l’autorit  , li oublier bannes enseignements islamiques et li agir selon bannes coutumes tribales de Pakistan. Li ene dimoune ki malgre so banne mille declarations pas capave debarasse li de so bannes baggages culturels et li agir avec dimoune ki defier li pareil couma zotte fine faire dans Pakistan pendant des ages. Li ene dimoune ki capave cause lor l’islam mais ki pas capave pratique bannes vrais enseignementst de l’islam . Et bannes ki suive li aveuglement faire pareil en pensant ki li pou amene zote dans paradis. Ene dimoune capave faire beacoup de bannes bonnes actions mais ene sel de so bannes mauvaises actions capave gate tous ca bannes bonnes actions l . Rappelle  a hadith ki mo ti mentionner la semaine derniere l    propos de  a martyr la ,  a savant l  et aussi  a dimoune ki ti depense dans le chemin d’Allah. Zotte l’intention pas ti bon et Allah fine mette zotte dans l’enfer meme si en apparence zotte tipe faire bon travail. Parski zote bannes actions pas ti faire exclusivement pou gagne le plaisir d’Allah , Allah fine rejette li. Couma Allah capave accepter calife so bannes actions quand so bannes actions diametralement oppose   Allah so bannes enseignements?

Aster guette le amir de l’ile Maurice. Li pas ene dimoune ki nou capave dire li ena connaissance de la religion et ni ene dimoune ki fine gagne ene certaine maturit  avec la sagesse de l’age. A l’occasion de Jalsa Salana li faire plusieurs discours et ene li adresse li particulierement   bannes invites Non Ahmadis. Dans  a discours l  li montrer li bien agreeable et li cause avec bannes dimounes lor nobles enseignements pacifiques de l’islam et li rode faire bannes invites croire ki Jamaat Ahmadiyya incarne  a bannes enseignements l . Dans ene l’occasion dans so discours nou capave lire bannes zaffaires suivants:

- “Dans l’Islam ena ene relation etroite entre l’islam et la paix. Zote les deux face d’ene sel pi ce.”
- “Ki profit ou capave gagner par blesse sentiments bannes les autres dimounes sinon repanne la haine et le degout?”
- “Islam ordonne nous pou agir avec Justice et equit  meme avec ou banne enemis. Le saint Coran dire nou : “ O banne dimoune ki fine croire montrer zotte ferme dans la cause d’Allah et donne temoignage avec equit  . Agir toujours avec justice;  a li plis pr s avec la droiture(*taqwa*). Et gagne la crainte d’Allah. Assurement Allah conne tres bien ceki zotte faire.”(5:9)
- “ a c’est meilleur enseignement ki capave aide a etablir la paix dans la societ .”
- Et li fine termine so discours avec  a la priere l  “ ki Allah Le Tout Puissant aide nou ki nou capave manifester le plus haut degr  de tolerance et de respect pou sensibilit  et emotion de chacun parmi nous. Ki Allah faire ki nous vine bannes porte drapeau de l’amour , l’affection at la paix.”

 a c’est bannes extraits d’ene de so bannes discours ki fine publier dans Le **Message Septembre** 2013 et ki mo fine traduire. Aster quand ou tanne ene discours pareil ou pas pou croire ki  a dimoune la lie  ne dimoune ki content la paix et ki li animer par bannes grands sentiments ki nobles? Bien sur ou pou croire

parski le Saint Prophete fine dire nou ki ena bannes discours ki couma la magie. Li ena l'effet lor ou et li faire ou croire bannes zaffaires ki pas vrai. Et le amir de L'ile Maurice conner couma pou plaire bannes dimounes ki pe assize devant li. Mais ça meme dimoune li coupable ki li fine faire bannes discours pou faire bannes Ahmadis hair zotte bannes proches. Parfois li alle ziska cite bannes versets Quran pou justifier so bannes opinion fausse et malguides lor L'Islam.

Li et so calife cause beaucoup de la Justice. Mais cotte zotte pe mette ça justice ki zotte causer là en pratique? Sans faire ene long exposé lor ceki ete la Justice tel ki bannes ki partique li mette li en pratique mo pou dire ki dans Jamaat Ahmadiyya majoritaire pena auquene Justice ki pratiquer. Dans la plipart banne pays la constitution de ça pays là li la loi supreme ki dirige bannes zaffaires de ça pays là. Donc n'importe ki la loi ki faire par parlement bizin en conformité avec la constitution. Et banne la loi ki pas en accord avec l'esprit de la constitution capave etre contester dans la cour Supreme ki ena le droit pou prononcer si zot en accord ou non avec la constitution. Ça c'est ene systeme ki fine mette en place pou permette reconnaitre et pas pietine les droits de chaque citoyen ki reste dans pays. As ter nou capave pose la question ki constitution Jamaat Ahmadiyya? Eski c'est le Saint Coran ? Ou bien eski c'est le sunnah du saint Prophete Mohammad saw? Ou bien eski c'est bannes ecrits de Hazrat Masih Maood as? Ou bien c'est l'islam couma le second calife du Jamaat fine interprete li? Ou bien eski c'est bannes rules and regulations du Jamaat ki ti fine approuver dans les annees 1960 et ki jamais fine reussi remplacer? Ou bien encore c'est bannes reglements de Tehrik jadid ki incompatible avec bannes la loi mauriciennes et ki jamais fine approuver à Maurice? Bannes ki cause de Justice bizin montrer zot courage et vine de l'avant pou dire ki zot pe suivre pou etablir la paix ek la Justice dans le monde ou bien selment a l'ile Maurice?

En fin de compte quand ou guette bien Jamaat Ahmadiyya majoritaire pe diriger depi ene bon le temps par ene systeme hybride/mélange ki pas en conformité avec bannes la loi mauriciennes. Et pourtant le calife continuer dire dans so bannes discours ki bizin obeir la loi pays. Si alle selon rules and regulations approuver pena auquene droit pou retire ene dimoune d'ene poste cote li fine elu sans ki suivre ene procedure bien etablit cote ça dimoune la bizin gagne l'occasion pou defanne li.

Pou etre juste mo pou dire ki le Jamaat Ahmadiyya fine completamente fele pou applique bannes bases elementaires de la Justice quand lor ene coup de tete zotte retire ene dimoune d'ene poste cote li fine elire. Ni le caliph ni le amir pas fine gagne bannes privileges pareil dans l'Islam. Si bizin retire ene dimoune bizin suivre ene procedure ki prend en compte droit de ça dimoune là et a la fin de ça procedure la ki capave decider si ça dimoune là li coupable de ceki pe accuse li et bizin retire li. Mais l'arbitraire ki fine pratiquer dans le Jamaat ziska azordi fine assassine la Justice et li pas du tout autoriser par l'islam. Quand le calife assister par le amir li foude la loi de nou pays, li montrer ki malgre zotte bannes grands discours zotte pa conner ki Justice ete exactement. Ene dimoune fine assister ene walima et ou dimoune li pou quitte so poste cotte banne dimounes fine elire li montrer ki ou foude ça dimoune là et aussi bannes dimounes ki fine elire li et ou foude la loi de nou pays. Le Saint Prophet Mohammad saw fine dire nou " "Quand ou gagne l'invitaion pou ene walima accepter li". "(Bokhari **Volume 7, Book 62, Number 102**). Alors aster ene dimoune bizin dimanne limeme eski li bizin faire ceki le prophete fine approuver ou bien ene quelqu'un ki fine prend le titre de calife et so amir? La reponse li bien claire. Le calife pena auquene droit pou li faire kik la loi ou ki li donne kik lordre ki alle contre le Shariat. Ceki li pe faire li pas *ma'roof*, li pas convenable. Et donc bannes lordre pareil capave et bizin desobeir. Meme si regne calife là li ti justifier, n'importe ki directives ki li donner ki contre l'islam pas bizin obeir li. Eski le plus nobles parmi bannes compagnons du Saint Prophete, Hazrat abu Bakr Siddique(ra) pas fine dire nou, en toute humilité:

"O bannes dimounes ! Fine donne moi la responsabilité pou prend en charge zotte bannes zaffaires et mo pas le meilleur parmi zotte. Si mo ena raison , obeir moi. Et si mo egarer ramene moi lor le droit chemin. Definitivement la verité c'est l'honnetete et le mensonge c'est la malhonnetete. Celui ki plis faible parmi zotte li le plis fort aussi longtemps mo pas fine donne li so droit. Et le plis fort parmi zotte li le plis faible

aussi longtemps ki mo pas faire li raquitte de so bannes devoirs envers les autres **Insha Allah**. Allah pou humilier banne ki pas faire jihad dans le simin d'Allah. Definitivement Allah pou envoye calamites lor bannes dimoune ki pratique le mal. Mo demande zotte pou obeir moi aussi longtemps ki mo obeir Allah et so Messenger (saw). Si mo desobeir Allah et so messenger zotte libre pou desobeir moi. Faire saff anou lire namaz .”

Par La Grace d'Allah mo fine lire ene bon parti de bannes ecrits et discours de bannes calife Ahmadiyya. Mais ziska l'ere mo pas fine trouve personne parmi zotte cite ça discours la. Nou termine ici pou zordi. Incha Allah nou pou continuer la semaine prochaine lor meme sujet. Ki Allah aide nou pou ki enan ene accord dans ceki nou dire et ceki nou faire.Ameen !